

গণপ্রজাতন্ত্রী বাংলাদেশ সরকার  
প্রবাসী কল্যাণ ও বৈদেশিক কর্মসংস্থান মন্ত্রণালয়  
প্রবাসী কল্যাণ ভবন  
৭১-৭২ পুরাতন এলিফ্যান্ট রোড, ইস্কাটন গার্ডেন, ঢাকা।  
পরিকল্পনা ও উন্নয়ন শাখা- ০২

নং-৪৯.০০.০০০০.১৫১.১৪.০২০.০১৭(২)-০১

তারিখ: ০১ জানুয়ারি ২০২০ খ্রি:।

বিষয়: ২০১৯-২০ অর্থ বছরের বার্ষিক উন্নয়ন প্রকল্পসমূহের নভেম্বর ২০১৯ পর্যন্ত বাস্তবায়ন অগ্রগতি পর্যালোচনা সভার কার্যবিবরণী।

প্রবাসী কল্যাণ ও বৈদেশিক কর্মসংস্থান মন্ত্রণালয়ে ২০১৯-২০ অর্থ বছরের বার্ষিক উন্নয়ন প্রকল্পসমূহের নভেম্বর ২০১৯ পর্যন্ত বাস্তবায়ন অগ্রগতি পর্যালোচনা সভা মাননীয় মন্ত্রীর সভাপতিত্বে গত ২৪/১২/২০১৯ তারিখে অনুষ্ঠিত হয়। উক্ত সভার কার্যবিবরণী এতদসঙ্গে প্রেরণ করা হলো। সভার সিদ্ধান্ত বাস্তবায়ন অগ্রগতি প্রতিবেদন আগামী ১৫-০১-২০২০ তারিখের মধ্যে (সফট কপি ই-মেইলে) অত্র মন্ত্রণালয়ে প্রেরণের জন্য বিএমইটি/প্রকল্প পরিচালকগণকে নির্দেশক্রমে অনুরোধ করা হলো।

সংযুক্তি: বর্ণনামতে।

(মো: আবদুল খালেক)

সহকারী সচিব

ফোন: ০১৫৫২- ৩৮৭৬১১

E-mail: developmentprobashi@gmail.com

বিতরণ (জ্যেষ্ঠতার ক্রমানুসারে নয়) :

১. সদস্য, আর্থ-সামাজিক অবকাঠামো বিভাগ, পরিকল্পনা কমিশন, শেরে বাংলানগর, ঢাকা (দৃঃ আঃ যুগ্মপ্রধান, জনসংখ্যা উইং)।
২. সদস্য, কার্যক্রম বিভাগ, পরিকল্পনা কমিশন, শেরে বাংলানগর, ঢাকা (দৃঃ আঃ যুগ্মপ্রধান, আর্থ-সামাজিক উইং)।
৩. সচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা (দৃঃ আঃ উপসচিব, বাজেট অধিশাখা-১৩)।
৪. সচিব, বাস্তবায়ন পরিবীক্ষণ ও মূল্যায়ন বিভাগ, শেরে বাংলানগর, ঢাকা (দৃঃ আঃ মহাপরিচালক, পরিবীক্ষণ ও মূল্যায়ন সেক্টর-৫)।
৫. সচিব, অর্থনৈতিক সম্পর্ক বিভাগ, অর্থ মন্ত্রণালয়, শেরে বাংলানগর, ঢাকা।
৬. অতিরিক্ত সচিব (সকল), প্রবাসী কল্যাণ ও বৈদেশিক কর্মসংস্থান মন্ত্রণালয়।
৭. মহাপরিচালক, ওয়েজ আর্নাস কল্যাণ বোর্ড, ইস্কাটন গার্ডেন, রমনা, ঢাকা।
৮. মহাপরিচালক, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
৯. প্রধান প্রকৌশলী, গণপূর্ত অধিদপ্তর, পূর্ত ভবন, সেগুনবাগিচা, ঢাকা [দৃঃ আঃ অতিরিক্ত প্রধান প্রকৌশলী (পরিকল্পনা ও বিশেষ প্রকল্প)/{তত্ত্বাবধায়ক প্রকৌশলী, পেকু সার্কেল}]।
১০. প্রধান স্থপতি, স্থাপত্য অধিদপ্তর, সেগুনবাগিচা, ঢাকা।
১১. যুগ্মসচিব (প্রশাসন ও বাজেট/প্রশিক্ষণ/গবেষণা ও নীতি/কর্মসংস্থান), প্রবাসী কল্যাণ ও বৈদেশিক কর্মসংস্থান মন্ত্রণালয়।
১২. প্রকল্প পরিচালক, “৪০ টি উপজেলায় ৪০ টি কারিগরি প্রশিক্ষণ কেন্দ্র ও চট্টগ্রামে ১টি ইনস্টিটিউট অব মেরিন টেকনোলজি স্থাপন” শীর্ষক প্রকল্প, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
১৩. প্রকল্প পরিচালক, “ক্যাপাসিটি ডেভেলপমেন্ট প্রোগ্রাম অব টিটিসি, রাজশাহী” শীর্ষক প্রকল্প, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
১৪. প্রকল্প পরিচালক, “ঢাকা টেকনিক্যাল টিসার্স ট্রেনিং ইনস্টিটিউট স্থাপন” শীর্ষক প্রকল্প, বিকেটিটিসি, দারুস সালাম, মিরপুর রোড, ঢাকা।
১৫. অফিসার ইন চার্জ, এ্যাপ্লিকেশন অব মাইগ্রেশন পলিসি প্রজেক্ট, আইএলও প্রজেক্ট অফিস, প্রবাসী কল্যাণ ভবন, ঢাকা।

অঃপঃদৃঃ

১৬. প্রকল্প পরিচালক, “বিভিন্ন জেলায় ৩০ টি কারিগরি প্রশিক্ষণ কেন্দ্র স্থাপন” শীর্ষক সমাপ্ত প্রকল্প, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
১৭. প্রকল্প পরিচালক, “ইনস্টিটিউট অব মেরিন টেকনোলজি এবং কারিগরি প্রশিক্ষণ কেন্দ্রসমূহের প্রশিক্ষণার্থীদের বৃত্তি প্রদান কার্যক্রম” শীর্ষক প্রকল্প, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
১৮. প্রকল্প পরিচালক, “বাংলাদেশ ইনস্টিটিউট অব মেরিন টেকনোলজির (নারায়ণগঞ্জ)’র সংস্কার ও আধুনিকায়ন” শীর্ষক প্রকল্প, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
১৯. প্রকল্প পরিচালক, “ঢাকা, চট্টগ্রাম ও খুলনাস্থ শিক্ষানবিসি প্রশিক্ষণ দপ্তরসমূহের সংস্কার ও আধুনিকায়ন” শীর্ষক প্রকল্প, জনশক্তি কর্মসংস্থান ও প্রশিক্ষণ ব্যুরো, ৮৯/২, কাকরাইল, ঢাকা।
২০. প্রধান হিসাবরক্ষণ কর্মকর্তা, প্রবাসী কল্যাণ ও বৈদেশিক কর্মসংস্থান মন্ত্রণালয়, সিজিএ ভবন, সেগুনবাগিচা, ঢাকা।

অনুলিপি:

১. মাননীয় মন্ত্রীর একান্ত সচিব, প্রবাসী কল্যাণ ও বৈদেশিক কর্মসংস্থান মন্ত্রণালয়।
২. সচিব মহোদয়ের একান্ত সচিব, প্রবাসী কল্যাণ ও বৈদেশিক কর্মসংস্থান মন্ত্রণালয়।
৩. অতিরিক্ত সচিব (পরিকল্পনা ও উন্নয়ন) মহোদয়ের ব্যক্তিগত কর্মকর্তা, প্রবাসী কল্যাণ ও বৈদেশিক কর্মসংস্থান মন্ত্রণালয়।
৪. অফিস কপি।

গণপ্রজাতন্ত্রী বাংলাদেশ সরকার  
প্রবাসী কল্যাণ ও বৈদেশিক কর্মসংস্থান মন্ত্রণালয়  
প্রবাসী কল্যাণ ভবন  
৭১-৭২ পুরাতন এলিফ্যান্ট রোড, ইস্কাটন গার্ডেন, ঢাকা।  
উন্নয়ন ও পরিকল্পনা অধিশাখা  
www.probashi.gov.bd

**বিষয়:** প্রবাসী কল্যাণ ও বৈদেশিক কর্মসংস্থান মন্ত্রণালয়ের ২০১৯-২০ অর্থ বছরের বার্ষিক উন্নয়ন কর্মসূচিভুক্ত প্রকল্পসমূহের নভেম্বর ২০১৯ পর্যন্ত বাস্তবায়ন অগ্রগতি পর্যালোচনা সভার কার্যবিবরণী

সভাপতি : জনাব ইমরান আহমদ, এমপি  
মাননীয় মন্ত্রী, প্রবাসী কল্যাণ ও বৈদেশিক কর্মসংস্থান মন্ত্রণালয়  
সভার স্থান : মন্ত্রণালয়ের সভা কক্ষ  
তারিখ ও সময় : ২৪-১২-২০১৯, বিকাল ৩.০০ টা  
উপস্থিত কর্মকর্তাবৃন্দ : পরিশিষ্ট-ক

**গত সভার কার্যবিবরণী নিশ্চিতকরণ:** সভাপতি সভায় উপস্থিত সকলকে স্বাগত জানিয়ে সভার কার্যক্রম শুরু করেন। অতঃপর সভাপতির অনুমতিক্রমে অতিরিক্ত সচিব (উন্নয়ন ও পরিকল্পনা) ২০১৯-২০ অর্থ বছরের বার্ষিক উন্নয়ন কর্মসূচি (এডিপি)-ভুক্ত প্রকল্পসমূহের নভেম্বর/২০১৯ পর্যন্ত বাস্তবায়ন অগ্রগতি পর্যালোচনা সভার কার্যবিবরণী সভায় উপস্থাপন করেন। উপস্থাপনের শুরুতে গত অক্টোবর ২০১৯ মাসের এডিপি পর্যালোচনা সভার কার্যবিবরণীতে কোনো সংশোধনী না থাকায় তা নিশ্চিতকরণ করা হয়।

২। **উপস্থাপনা:** অতিরিক্ত সচিব (উন্নয়ন ও পরিকল্পনা) সভার প্রেক্ষাপট বর্ণনা করে বলেন যে, ২০১৯-২০ অর্থ বছরের বার্ষিক উন্নয়ন কর্মসূচি (এডিপি)তে প্রবাসী কল্যাণ ও বৈদেশিক কর্মসংস্থান মন্ত্রণালয়ের ০৬টি প্রকল্পের (৪টি বিনিয়োগ ও ২টি কারিগরি সহায়তা) অনুকূলে মোট ২৮২৯৭.০০ লক্ষ টাকা বরাদ্দ রয়েছে। উক্ত বরাদ্দের মধ্যে জিওবি অর্থের পরিমাণ ২২৭৫৬.০০ লক্ষ টাকা এবং প্রকল্প সাহায্যের পরিমাণ ৫৫৪১.০০ লক্ষ টাকা। চলতি অর্থ বছরের নভেম্বর ২০১৯ পর্যন্ত উক্ত ৬টি প্রকল্পের অনুকূলে বরাদ্দের বিপরীতে মোট অবমুক্ত হয়েছে ১৪৫৯৩.৫০ লক্ষ টাকা। তন্মধ্যে প্রকৃত ব্যয় হয়েছে ৮১০৮.৫৬ লক্ষ টাকা যা মোট বরাদ্দের ২৮.৬৫% এবং অবমুক্তির ৫১.৫৮%। সভার শুরুতেই সভাপতি প্রকল্পগুলোর বাস্তবায়ন অগ্রগতি নিয়ে অসন্তোষ প্রকাশ করেন। তিনি বলেন যে, জাতীয় গড়ের তুলনায় আর্থিক অগ্রগতি বেশি হলেই আত্মতৃপ্তির কিছু নেই। কারণ জাতীয় গড় সব সময় কমই হয়ে থাকে। অতঃপর সভাপতির নির্দেশক্রমে সভায় গত সভার প্রকল্পভিত্তিক গৃহীত সিদ্ধান্তের বাস্তবায়ন অগ্রগতি, নভেম্বর/২০১৯ পর্যন্ত প্রকল্পভিত্তিক আর্থিক ও বাস্তব অগ্রগতি এবং প্রকল্পের বাস্তবায়ন সমস্যাাদি ও অননুমোদিত নতুন প্রকল্পের অননুমোদন পর্যায় নিয়ে বিস্তারিত আলোচনা করা হয়।

**৩। প্রকল্পভিত্তিক আলোচনা:**

৩.১) **বিভিন্ন জেলায় ৩০টি কারিগরি প্রশিক্ষণ কেন্দ্র স্থাপন (২য় সংশোধিত) শীর্ষক প্রকল্প:** এই প্রকল্পের আওতায় গত এডিপি পর্যালোচনা সভার সিদ্ধান্ত বাস্তবায়ন অগ্রগতি বিষয়ে আলোচনার প্রেক্ষিতে গণপূর্ত অধিদপ্তরের প্রতিনিধি সভাকে জানান যে, ফেনী টিটিসির ঠিকাদার কোম্পানীর কাছ থেকে ক্ষতিপূরণ বাবদ ৫০,৭৮,৪৪৪.০০ টাকা আদায়করতঃ উক্ত অর্থ সরকারি কোষাগারে জমা করা হয়েছে। উল্লেখ্য, ফেনী টিটিসির অসমাপ্ত নির্মাণ কাজ “৪০টি উপজেলায় ৪০টি কারিগরি প্রশিক্ষণ কেন্দ্র ও চট্টগ্রামে একটি আইএমটি স্থাপন” শীর্ষক প্রকল্পের সংশোধিত ডিপিপিতে অন্তর্ভুক্ত করে সম্পন্ন করার জন্য ইতঃপূর্বে এডিপি পর্যালোচনা সভায় সিদ্ধান্ত গৃহীত হয়। এই সিদ্ধান্তের প্রেক্ষিতে ৪০ টিটিসি প্রকল্পের সংশোধিত ডিপিপিতে আলোচ্য কার্যক্রম অন্তর্ভুক্ত করা হচ্ছে মর্মে সংশ্লিষ্ট প্রকল্প পরিচালক সভাকে জানান।

৩.২) **ইনস্টিটিউট অব মেরিন টেকনোলজি এবং কারিগরি প্রশিক্ষণ কেন্দ্রসমূহের প্রশিক্ষার্থীদের বৃত্তি প্রদান কার্যক্রম (৭ম পর্যায়, ১ম সংশোধিত) প্রকল্প:** প্রকল্প পরিচালক জানান যে, প্রকল্পের আওতায় শুধু সকালের শিফটে ছাত্র/ছাত্রীদের বৃত্তি প্রদান করা হচ্ছে। বিষয়টির উপর বিস্তারিত আলোচনাস্তে সিদ্ধান্ত গৃহীত হয় যে, পরবর্তী পর্যায়ের প্রকল্পে সকাল ও বিকাল উভয় শিফটের শিক্ষার্থীদের বৃত্তি প্রদান করতে হবে। অর্থাৎ ৩৬০ ঘন্টার কোর্সের সকল শিক্ষার্থীদের বৃত্তি প্রদান করতে

হবে। প্রকল্পের ৮ম পর্যায়ের ডিপিপি দ্রুত বিএমইটি প্রণয়ন করবে মর্মে সভায় সিদ্ধান্ত গৃহীত হয়। এছাড়া উক্ত বৃত্তির অর্থ তাদের অভিভাবকদের মোবাইল ফোনের মাধ্যমে পাঠানোর ব্যবস্থা গ্রহণ করতে হবে। সভায় আরো সিদ্ধান্ত হয় যে, যাদেরকে প্রশিক্ষণ প্রদান করা হবে, তাদের মধ্য হতে কারা বিদেশে যাচ্ছে, কারা দেশে কর্মসংস্থানের ব্যবস্থা করছে তা একটি ডাটাবেজ তৈরিপূর্বক সংরক্ষণ করতে হবে। বিদেশে যেতে আগ্রহী অভিবাসী কর্মীদের ডাটা ব্যাংকে তাদের ডাটা রেজিস্টার করতে হবে।

৩.৩) বাংলাদেশ ইনস্টিটিউট অব মেরিন টেকনোলজি (নারায়নগঞ্জ) সংস্কার ও আধুনিকায়ন (২য় পর্যায়, ১ম সংশোধনী) শীর্ষক” প্রকল্প: প্রকল্প পরিচালক জানান যে, প্রকল্পটি জুন ২০১৯ এ সমাপ্ত হয়েছে। প্রকল্পের সমাপ্তি প্রতিবেদন (পিসিআর) মন্ত্রণালয়ে পাওয়া গেছে। এটি পরীক্ষা-নিরীক্ষাকরত দ্রুত আইএমডিতে প্রেরণ করতে হবে।

৩.৪) ৪০টি উপজেলায় ৪০ টি কারিগরি প্রশিক্ষণ কেন্দ্র ও চট্টগ্রামে একটি আইএমটি স্থাপন শীর্ষক প্রকল্প : পিডব্লিউডিএর প্রতিনিধি প্রকল্পের সর্বশেষ অবস্থা সম্পর্কে জানান যে, চট্টগ্রাম আইএমইটির জমিটি কিছুদিন আগে বুঝে নেয়া হয়েছে। এখন টেন্ডারসহ অন্যান্য কার্যক্রম দ্রুত শুরু হবে। সভাপতি প্রকল্প পরিচালককে বলেন যে, যেসকল টিটিসির নির্মাণ কাজ বাস্তবায়ন করতে সমস্যা আছে সেগুলোর তালিকা প্রস্তুত করে সেগুলো সমাধান করতে যা যা করা প্রয়োজন তার সুপারিশসহ ০৩ (তিন)কার্যদিবসের মধ্যে মাননীয় মন্ত্রী নিকট পেশ করতে হবে। অতিরিক্ত সচিব (পরিকল্পনা ও উন্নয়ন) মহোদয়ের জিজ্ঞাসার জবাবে পিডব্লিউডিএর প্রতিনিধি বলেন যে, ২০১৪ সালের রেট শিডিউল অনুযায়ী কিছু কিছু টেন্ডারে কাঠ/স্টিলের সাটারিং এর কথা উল্লেখ ছিল, যে কারণে তখন কাঠ অথবা স্টিলের সাটারিং ব্যবহারের সুযোগ ছিল। তবে ২০১৮ সালের রেট শিডিউল অনুযায়ী এখন সকল কাজ স্টিলের সাটারিং এ করা বাধ্যতামূলক। সভাপতি আরো বলেন যে, সংশোধিত বাজেট প্রণয়নের আগে যদি পর্যাপ্ত অর্থ খরচ করা না হয়, তাহলে পরিকল্পনা মন্ত্রণালয় উক্ত অর্থ অন্য মন্ত্রণালয়ের প্রকল্পে স্থানান্তর করে দিতে পারে। এমতাবস্থায়, যথাযথ সময়ে বরাদ্দকৃত সম্পূর্ণ অর্থ ব্যয় করার জন্য সভাপতি প্রকল্প পরিচালক ও পিডব্লিউডি-কে পরামর্শ প্রদান করেন। সভায় প্রকল্পটির সংশোধিত ডিপিপি যথাযথভাবে প্রণয়নপূর্বক আগামী ১৫ জানুয়ারি ২০২০ তারিখের মধ্যে মন্ত্রণালয়ে প্রেরণ করতে হবে মর্মে সিদ্ধান্ত গৃহীত হয়।

৩.৫) ঢাকা কারিগরি শিক্ষক প্রশিক্ষণ ইন্সটিটিউট স্থাপন (সংশোধিত) প্রকল্প: অতিরিক্ত সচিব (পরিকল্পনা ও উন্নয়ন) জানান যে, এ প্রকল্পটির বাস্তবায়ন অগ্রগতি খুবই শ্লথ। প্রকল্প পরিচালক জানান যে, ৫টি বিল্ডিং এর মধ্যে ২টি বিল্ডিং ১তলা করে কাজ প্রায় সম্পন্ন হয়েছে এবং একটি বিল্ডিং এর ২য় তলার ঢালাই কাজ ইতোমধ্যে সম্পন্ন হয়েছে এবং বাকী বিল্ডিংগুলোর পাইলিং এর কাজ চলমান রয়েছে যা খুব শিঘ্রই সম্পন্ন হবে। এ পর্যায়ে উপপ্রধান জানান যে, ইতঃপূর্বে প্রকল্পটির সংশোধিত ডিপিপি মন্ত্রণালয়ে প্রেরণের বিষয়ে কয়েকবার সিদ্ধান্ত হলেও এ পর্যন্ত প্রকল্পের সংশোধিত ডিপিপি মন্ত্রণালয়ে পাওয়া যায়নি। এ প্রেক্ষিতে প্রকল্প পরিচালক জানান যে, আগামী ১০ জানুয়ারি ২০২০ এর মধ্যে প্রকল্পের সংশোধিত ডিপিপি মন্ত্রণালয়ে প্রেরণ করা হবে।

৩.৬) ঢাকা, চট্টগ্রাম ও খুলনাস্থ শিক্ষানবিসি দপ্তরসমূহের সংস্কার ও আধুনিকায়ন প্রকল্প: প্রকল্প পরিচালক জানান যে, চট্টগ্রাম ও খুলনাস্থ শিক্ষানবিসি বিল্ডিংগুলোর সার্ভে রিপোর্ট ইতোমধ্যে হয়ে গেছে এবং ঠিকাদার প্রতিষ্ঠানও ঠিক করা হয়েছে। খুব শিঘ্রই বিল্ডিংগুলো ভাঙার কাজ শুরু হবে। প্রকল্প পরিচালক সভাকে অবহিত করেন যে, প্রকল্পের ডিপিপি পিডব্লিউডি’র ২০১৪ সালের রেট শিডিউল অনুযায়ী প্রণয়ন করা হয়েছে। এখন ২০১৮ সালের রেট শিডিউল বাস্তবায়ন হওয়ায় খুলনা ও চট্টগ্রামে বিল্ডিং নির্মাণ কাজের ব্যয় বৃদ্ধি পাবে। সে অনুযায়ী প্রস্তাব মন্ত্রণালয়ে দাখিল করা হয়েছে। প্রকল্পটির বাস্তবায়ন কাজ দ্রুত ও মানসম্পন্নভাবে নির্ধারিত প্রকল্প মেয়াদের মধ্যে শেষ করতে হবে মর্মে সভায় পিডব্লিউডি ও বিএমইটিকে নির্দেশনা প্রদান করা হয়।

৩.৭) ক্যাপাসিটি ডেভেলপমেন্ট প্রোগ্রাম অব টিটিসি, রাজশাহী প্রকল্প: অতিরিক্ত সচিব (পরিকল্পনা ও উন্নয়ন) জানান যে, উক্ত প্রকল্পটির কাজ সমাপ্ত হয়েছে। গত ১৫.১১.২০১৯ তারিখে এ মন্ত্রণালয়ের মাননীয় মন্ত্রী এটি উদ্বোধন করেছেন। প্রকল্পটি সমাপ্তির পর পিসিআর দ্রুত মন্ত্রণালয়ে দাখিল করতে হবে মর্মে সভায় সিদ্ধান্ত গৃহীত হয়।

৩.৮) এ্যাপ্লিকেশন অব মাইগ্রেশন পলিসি ফর ডিসেন্ট ওয়ার্ক অব মাইগ্রান্ট ওয়ার্কারস প্রকল্প: প্রকল্পটির আওতায় এটুআই প্রকল্পের সহায়তায় ‘অভিবাসীর জীবনচক্র’ এ্যাপসটির মালিকানা এ মন্ত্রণালয়ে স্থানান্তর ও কার্যকর করার জন্য গঠিত কমিটির আহ্বায়ক উক্ত এ্যাপসটি এ মন্ত্রণালয়ে স্থানান্তরের ব্যাপারে দ্রুত ব্যবস্থা গ্রহণ করবেন মর্মে সভায় ঐকমত্য হয়। উল্লেখ্য গত

এডিপি পর্যালোচনা সভায় এ মন্ত্রণালয়ের অতিরিক্ত সচিব (দপ্তর সংস্থা অনুবিভাগ) এর আহ্বায়কত্বে এ বিষয়ে বিএমইটি, আইএলও এবং এটুআই এর সমন্বয়ে ৪ সদস্য বিশিষ্ট একটি কমিটি গঠন করে দেয়া হয়েছে।

**৩.৯) জনশক্তি কর্মসংস্থান ও প্রশিক্ষণ ব্যুরোর অধীনে সকল জেলায় জেলা কর্মসংস্থান ও জনশক্তি অফিস ও চট্টগ্রামে একটি প্রবাসী কল্যাণ সেন্টার স্থাপন প্রকল্প:** প্রকল্পটি পুনর্গঠনের জন্য মন্ত্রণালয় কর্তৃক গঠিত ফিজিবিলিটি স্টাডি টিমের প্রতিবেদনটি ত্রুটিপূর্ণ হওয়ায় উক্ত ফিজিবিলিটি স্টাডি টিমের কার্য পরিধি অনুযায়ী ফিজিবিলিটি স্টাডি সম্পন্ন করে দ্রুত স্বয়ংসম্পূর্ণ প্রতিবেদন কমিটির আহ্বায়ক অতি দ্রুত মন্ত্রণালয়ে প্রেরণ করবেন মর্মে সভায় নির্দেশনা প্রদান করা হয়।

**৩.১০) উপজেলা পর্যায়ে ৬০টি টিটিসি স্থাপন প্রকল্প:** প্রকল্পটির পুনর্গঠিত ডিপিপি এখনও বিএমইটি হতে মন্ত্রণালয়ে পাওয়া যায়নি। সভাপতি উল্লেখ্য করেন যে, এটি একটি অগ্রাধিকার প্রকল্প। এ প্রকল্পটির গুরুত্ব যথাযথভাবে উপলব্ধি করা প্রয়োজন। সভায় প্রকল্পটির পুনর্গঠিত ডিপিপি অতি দ্রুত মন্ত্রণালয়ে প্রেরণের জন্য বিএমইটিকে নির্দেশনা প্রদান করা হয়। এ প্রকল্পটির বিষয়ে সভাপতি বিএমইটির মহাপরিচালকের সাথে পৃথকভাবে আলোচনা করবেন মর্মে উল্লেখ করেন। নতুন কারিগরি প্রশিক্ষণ কেন্দ্র (টিটিসি) নির্মাণ বিষয়ে সভাপতি উল্লেখ করেন যে, আলোচ্য ৬০ টিটিসি প্রকল্পটির অনুমোদনের পর অবশিষ্ট উপজেলাগুলোর জন্য একটি মাত্র ডিপিপি প্রণয়ন করা যুক্তিযুক্ত হবে। কেননা খড় খড় করে প্রকল্প প্রণয়ন এবং অনুমোদনে অনেক বিলম্ব হয়। অভ্যন্তরীণ ও বৈদেশিক শ্রমবাজারের চাহিদা অনুযায়ী দক্ষ জনবল তৈরী এখন সময়ের দাবী। তাই বিএমইটি এখন থেকে একটি মাত্র ডিপিপিতে অবশিষ্ট সকল উপজেলা অন্তর্ভুক্ত করে ডিপিপি প্রণয়নের কাজ শুরু করবে।

**৪। অননুমোদিত নতুন প্রকল্প:** সভায় অতিঃসচিব (উন্নয়ন ও পরিকল্পনা) জানান যে, ২০১৯-২০ অর্থ বছরের এডিপি'র নতুন অননুমোদিত প্রকল্প তালিকায় এ মন্ত্রণালয়ের মোট ৭টি প্রকল্প অন্তর্ভুক্ত রয়েছে। এছাড়া বৈদেশিক সাহায্য প্রাপ্তির সুবিধার্থে বরাদ্দবিহীন অননুমোদিত প্রকল্প তালিকায় আরো ৫টি প্রকল্প অন্তর্ভুক্ত আছে। নতুন অননুমোদিত প্রকল্পগুলোর অনুমোদন প্রক্রিয়াকরণের বিভিন্ন পর্যায় সভাকে বিস্তারিত অবহিত করা হয়। সভাপতি অননুমোদিত প্রকল্পসমূহের অনুমোদন প্রক্রিয়াকরণ ত্বরান্বিত করার জন্য সংশ্লিষ্ট সকলকে নির্দেশনা প্রদান করেন।

#### ৫। বিবিধ:

**৫.১)** অতিরিক্ত সচিব (পরিকল্পনা ও উন্নয়ন) সভাকে জানান যে, ২০১৯-২০ অর্থ বছরের এডিপিতে বরাদ্দবিহীন অননুমোদিত “প্রত্যাগত অভিবাসী কর্মীদের পুনঃএকত্রীকরণ সহায়তা প্রদান” শীর্ষক প্রকল্পের প্রস্তাব ওয়েজ আর্নাস কল্যাণ বোর্ড বাস্তবায়ন করবে মর্মে ইতোপূর্বে এডিপির রিভিউ মিটিং এ সিদ্ধান্ত গৃহীত হলেও ওয়েজ আর্নাস কল্যাণ বোর্ড থেকে প্রকল্পের ডিপিপি এখনো পাওয়া যায়নি। এ প্রেক্ষিতে সভাপতি প্রস্তাব করেন যে, ওয়েজ আর্নাস কল্যাণ বোর্ড নিজস্ব তহবিলে প্রকল্প বাস্তবায়ন করতে পারে। তবে বিএমইটিও অনুরূপ একটি পৃথক প্রকল্প প্রত্যাগত পুরুষ ও মহিলা কর্মীদের পুনঃএকত্রীকরণ ও পুনঃবাসনের জন্য গ্রহণ করতে পারে মর্মে সভায় ঐকমত্য হয়।

**৫.২)** সভায় আরো সিদ্ধান্ত গৃহীত হয় যে, অভিবাসনে সচেতনতা (awareness) বৃদ্ধির জন্য বিএমইটি একটি প্রকল্প প্রস্তাব মন্ত্রণালয়ে প্রেরণ করবে।

**৫.৩)** এছাড়া বিদ্যমান টিটিসিগুলোতে চাহিদা অনুযায়ী ট্রেড (যেমন Agricultural, Hospitality, Mobile Servicing ও অন্যান্য Demand driving trade) চালু করার জন্য বিএমইটি দ্রুত একটি প্রকল্প প্রস্তাব মন্ত্রণালয়ে প্রেরণ করবে। উক্ত প্রকল্পে প্রয়োজনীয় কারিকুলাম মূল্যায়ন, উন্নয়ন ও আপডেটকরণ অঙ্গসমূহ অন্তর্ভুক্ত করা যেতে পারে।

**৬। সিদ্ধান্ত:** বিস্তারিত আলোচনান্তে সভায় নিম্নোক্ত সিদ্ধান্তসমূহ গৃহীত হয়:


নং	প্রকল্পের নাম	সিদ্ধান্ত	বাস্তবায়নকারী
৬.১)	বিভিন্ন জেলায় ৩০টি কারিগরি প্রশিক্ষণ কেন্দ্র স্থাপন (২য় সংশোধিত) শীর্ষক প্রকল্প :	ক) ফেনী টিটিসি'র একাডেমিক ভবন নির্মাণের অসমাপ্ত কাজ “৪০টি উপজেলায় ৪০টি কারিগরি প্রশিক্ষণ কেন্দ্র ও চট্টগ্রামে একটি আইএমটি স্থাপন” শীর্ষক প্রকল্পের সংশোধিত প্রকল্পে অন্তর্ভুক্তির মাধ্যমে সম্পন্ন করা হবে।	পিডব্লিউডি/ মহাপরিচালক, বিএমইটি

নং	প্রকল্পের নাম	সিদ্ধান্ত	বাস্তবায়নকারী
৬.২)	ইনস্টিটিউট অব মেরিন টেকনোলজি এবং কারিগরি প্রশিক্ষণ কেন্দ্রসমূহের প্রশিক্ষণার্থীদের বৃত্তি প্রদান কার্যক্রম (৭ম পর্যায়, ১ম সংশোধিত)	ক) বৃত্তি প্রদান কর্মসূচি বৃদ্ধির নিমিত্ত পরবর্তীতে আরো প্রকল্প বাস্তবায়ন করতে হবে। ৮ম পর্যায় প্রকল্পে সকাল ও বিকাল দুই গুপের শিক্ষার্থীদেরই বৃত্তি প্রদানের ব্যবস্থা গ্রহণ করতে হবে। প্রকল্পটির ৮ম পর্যায়ের ডিপিপি দ্রুত প্রণয়নের ব্যবস্থা করতে হবে। খ) টিটিসিতে প্রশিক্ষণপ্রাপ্ত কর্মীদের ব্যাচসহ নাম ও কর্মসংস্থান প্রাপ্তির সংখ্যা ডাটাবেজে সংরক্ষণ করতে হবে।	বাস্তবায়নকারী মহাপরিচালক/ প্রকল্প পরিচালক, বিএমইটি।
৬.৩)	বাংলাদেশ ইনস্টিটিউট অব মেরিন টেকনোলজি (নারায়নগঞ্জ) সংস্কার ও আধুনিকায়ন (২য় পর্যায়):	প্রকল্পটির সমুদয় কাজ মান সম্মতভাবে সম্পাদন করতঃ তা বুঝে নিতে হবে। প্রকল্পটি জুন, ২০১৯ এ সমাপ্ত হয়েছে। সমাপ্ত প্রকল্পটির পিসিআর আএমইডিতে প্রেরণ করতে হবে।	প্রকল্প পরিচালক/ মহাপরিচালক, বিএমইটি। পরিকল্পনা ও উন্নয়ন উইং, প্রকবৈকম
৬.৪)	“৪০টি উপজেলায় ৪০টি কারিগরি প্রশিক্ষণ কেন্দ্র স্থাপন ও চট্টগ্রামে একটি ইনস্টিটিউট অব মেরিন টেকনোলজি স্থাপন”	ক) প্রকল্পটির আওতায় টিটিসি/আইএমটি নির্মাণে বাস্তবায়ন অন্তরায়/সমস্যা চিহ্নিতকরতঃ এর সম্ভাব্য সমাধানকল্পে কী ধরনের হস্তক্ষেপ প্রয়োজন তার উল্লেখ সহ একটি তালিকা দ্রুত প্রস্তুতকরতঃ মাননীয় মন্ত্রীর নিকট আগামী তিন দিনের মধ্যেই প্রদান করতে হবে। খ) পিডব্লিউডি’র সর্বশেষ রোট শিডিউল অনুযায়ী নির্ভুলভাবে এস্টিমেট করে প্রকল্পটির সংশোধিত ডিপিপি আগামী ১৫ জানুয়ারি ২০১৯ এর মধ্যে মন্ত্রণালয়ে প্রেরণ করতে হবে। গ) সংশোধিত প্রকল্প প্রস্তাবে ফেনী টিটিসির অসম্পূর্ণ কাজ সম্পন্ন করার প্রস্তাবটি অন্তর্ভুক্ত করতে হবে।	মহাপরিচালক, বিএমইটি ও প্রকল্প পরিচালক/ পিডব্লিউডি।
৬.৫)	ঢাকা কারিগরি শিক্ষক প্রশিক্ষণ ইন্সটিটিউট স্থাপন (সংশোধিত) প্রকল্প	সংশোধিত ডিপিপি আগামী ১০ জানুয়ারির মধ্যে বিএমইটি মন্ত্রণালয়ে পেশ করবে।	মহাপরিচালক, বিএমইটি, প্রকল্প পরিচালক ও পিডব্লিউডি।
৬.৬)	ঢাকা, চট্টগ্রাম ও খুলনাস্থ শিক্ষানবিসি দপ্তরসমূহের সংস্কার ও আধুনিকায়ন প্রকল্প	প্রকল্পটির কাজ দ্রুত যথাযথ মান সম্পন্নভাবে নির্ধারিত প্রকল্প মেয়াদের মধ্যে সম্পন্ন করতে হবে। পিডব্লিউডি’র সর্বশেষ রোট শিডিউল অনুযায়ী নির্মাণ কাজের প্রস্তাব মন্ত্রণালয়ে প্রেরণ করতে হবে।	মহাপরিচালক, বিএমইটি, প্রকল্প পরিচালক ও পিডব্লিউডি।
৬.৭)	ক্যাপাসিটি ডেভেলপমেন্ট প্রোগ্রাম অব টিটিসি, রাজশাহী	প্রকল্পটির নির্মাণ কাজ সমাপ্তির পর প্রকল্প সমাপ্ত প্রতিবেদন (পিসিআর) দ্রুত মন্ত্রণালয়ে প্রেরণ করতে হবে।	মহাপরিচালক, বিএমইটি ও প্রকল্প পরিচালক
৬.৮)	এ্যাপ্লিকেশন অব মাইগ্রেশন পলিসি ডিসেন্ট ওয়ার্ক মাইগ্রান্ট ওয়ার্কারস	প্রকল্পটির আওতায় এটুআই প্রকল্পের সহায়তায় প্রস্তুতকৃত “অভিবাসী জীবনচক্র” এ্যাপসটির মালিকানা আগামী ১৫ জানুয়ারি ২০১৯ তারিখে মধ্যে এ মন্ত্রণালয়ে স্থানান্তরের প্রয়োজনীয় ব্যবস্থা করতে হবে।	অতিঃসচিব (দপ্তর ও সংস্থা অনুবিভাগ)/ আইএলও

নং	প্রকল্পের নাম	সিদ্ধান্ত	বাস্তবায়নকারী
৬.৯)	জনশক্তি কর্মসংস্থান ও প্রশিক্ষণ ব্যুরোর অধীনে সকল জেলায় জেলা কর্মসংস্থান ও জনশক্তি অফিস ও চট্টগ্রামে একটি প্রবাসী কল্যাণ সেন্টার স্থাপন প্রকল্প	মন্ত্রণালয় হতে গঠিত ফিজিবিলিটি স্টাডি টিমের কার্য পরিধি অনুযায়ী ফিজিবিলিটি স্টাডি সম্পন্ন করে দ্রুত স্বয়ংসম্পূর্ণ প্রতিবেদন পুনরায় মন্ত্রণালয়ে প্রেরণ করতে হবে এবং উক্ত প্রতিবেদনের সুপারিশ অনুযায়ী প্রকল্পটির পুনর্গঠিত ডিপিপি দ্রুত প্রণয়নকরতঃ মন্ত্রণালয়ে প্রেরণ করতে হবে।	ফিজিবিলিটি স্টাডি টিমের আহ্বায়ক, অতিরিক্ত মহাপরিচালক, বিএমইটি
৭.০)	“উপজেলা পর্যায়ে ৬০টি কারিগরী প্রশিক্ষণ কেন্দ্র স্থাপন” শীর্ষক প্রকল্প	ক) পুনর্গঠিত ডিপিপি আগামী ১৫ জানুয়ারি ২০১৯ তারিখের মধ্যে মন্ত্রণালয়ে প্রেরণ করতে হবে। খ) আলোচ্য প্রকল্পটি একনেক কর্তৃক অনুমোদনের পর অবশিষ্ট সকল উপজেলা অন্তর্ভুক্ত করে একটি মাত্র ডিপিপি প্রণয়ন করতে হবে। বিএমইটি এ লক্ষ্যে এখন থেকেই ডিপিপি প্রণয়নের কাজ শুরু করবে।	মহাপরিচালক, বিএমইটি মহাপরিচালক, বিএমইটি
৭.১)	অভিবাসন ব্যবস্থাপনা উন্নয়ন ও গতিশীলকরণে জনশক্তি কর্মসংস্থান ও প্রশিক্ষণ ব্যুরোর সক্ষমতা বৃদ্ধিকরণ শীর্ষক প্রকল্প	প্রকল্পটি পরিকল্পনা কমিশনের অগ্রাধিকার তালিকায় অন্তর্ভুক্ত করা হয়েছে বিধায় বিএমইটি প্রকল্পটির ডিপিপি অবিলম্বে মন্ত্রণালয়ে প্রেরণ করবে।	মহাপরিচালক, বিএমইটি
৭.২)	বিবিধ: অননুমোদিত “প্রত্যাগত অভিবাসী কর্মীদের পুনঃএকত্রীকরণ সহায়তা প্রদান” শীর্ষক প্রকল্পে প্রত্যাগত পুরুষ ও মহিলা কর্মীদের প্রশিক্ষণ, চিকিৎসা ইত্যাদি বিষয় অন্তর্ভুক্তকরত পুনর্গঠিত প্রকল্প প্রস্তাব বিএমইটি মন্ত্রণালয়ে প্রেরণ করবে। ওয়েজ আর্নাস কল্যাণ বোর্ড তাদের নিজস্ব অর্থে এ জাতীয় কাজ বাস্তবায়ন করবে।		মহাপরিচালক, ওয়েজ আর্নাস কল্যাণ বোর্ড/ মহাপরিচালক, বিএমইটি
৭.২.১)	বিদ্যমান টিটিসিগুলোতে চাহিদা অনুযায়ী যুগোপযোগী টেকনিক্যাল ট্রেড (যেমন Agricultural, Hospitality, Mobile Servicing ও অন্যান্য Demand driving trade) চালু করার জন্য বিএমইটি দ্রুত একটি প্রকল্প প্রস্তাব মন্ত্রণালয়ে প্রেরণ করবে। উক্ত প্রকল্পে প্রয়োজনীয় কারিকুলাম মূল্যায়ন, উন্নয়ন ও আপডেটকরণ অঙ্গসমূহ অন্তর্ভুক্ত করা যেতে পারে।		মহাপরিচালক, বিএমইটি
৭.২.২)	অভিবাসনে ব্যাপক সচেতনতা (awareness) বৃদ্ধির লক্ষ্যে বিএমইটি একটি পৃথক প্রকল্প প্রস্তাব মন্ত্রণালয়ে প্রেরণ করবে।		মহাপরিচালক, বিএমইটি

৮। পরিশেষে সভাপতি চলমান উন্নয়ন প্রকল্পগুলোর বাস্তবায়নের কাজ ত্বরান্বিত করা এবং তা মানসম্মতভাবে শেষ করার নিমিত্ত নিয়মিতভাবে তদারকি করার জন্য মন্ত্রণালয়ের কর্মকর্তা, প্রকল্প পরিচালক ও বিএমইটিসহ সংশ্লিষ্ট সকলকে নির্দেশনা প্রদান করেন। তিনি দক্ষ জনবল তৈরীর ক্ষেত্র প্রস্তুত করতে প্রকল্প প্রণয়নে নির্ভুল প্রাক্কলন করে প্রকল্প বাস্তবায়নের উপর গুরুত্ব আরোপ করেন।

৯। আলোচনা শেষে সভায় উপস্থিত সকলকে ধন্যবাদ জানিয়ে সভাপতি সভার সমাপ্তি ঘোষণা করেন।

  
ইমরান আহসান, এমপি  
মন্ত্রী